



ATASSUT

14.10.2015

Paninnguaq M. Kruse

UKA 2015/27_41

Imm./pkt.: 27

Inunnik annertusisamik innarluutilinnut ikiorsiisarneq pillugu FN-ip innarluutillit pisinnaatitaaffii pillugit isumaqatigiissutaanut naapertuunnerusumik Naalackersuisut iluarsaatamik inatsisilioqqullugit Inatsisartut aalajangiiffigisassaattut siunnersuut, taamaalilluni pisinnaatitaaffiit teknikkitigut inatsisinut attuumassutilinnut atuuttussanngorlugit aqqissuunneqarlutik, allannguut kingusinnerpaamik UPA2017-imi saqqummiunneqassaaq.

(Inatsisartunut ilaasortat, Siumut)

Imm./pkt.: 41

Naalagaaffiit Peqatigiit inuit innarluutillit pillugit Isumaqatigiissutaanni pisinnaatitaaffiit siuarsarneqarnissaannut Naalackersuisut peqquneqarnissaannik Inatsisartuni aalajangiiffigisassatut siunnersuut, tamatumani inatsimmi pineqartunut atuuttumut atuutsinneqalernissaat aammalu suliat ingerlanneqarnerini Naalagaaffiit Peqatigiit inuiat innarluutillit pillugit Isumaqatigiissutaanni Kalaallit Nunaanni atuuttut suliarineqarnerini iliuusissatut pilersaarutinut ilanngullugit suliarineqarnissaat.

(Inuit Ataqtigiit Inatsisartunut ilaasortaataat)

Atassut-miik ima oqaaseqarfigissavarput.

Innarluttillit ullumikkut nunatsinni, oqaatigilluaannarlugu periarfissiissutaasut annikittuararsuupput, aammalu pisinnaatitaaffimmikkut naqitarulluakkamik isumangineqannginnerat ersertarpoq, imaappoq atungassarititaasuni tamaginni qulakkiingaangittut isumangineqarsimanatillu atukkamikkut artorsarfeqartarput.

Taamaattumik ukunani marlunni siunnersuutini, nuannaarutigilluinnakkatsinnik inatsisartunut aalajangiiffingisassatut siunnersuuteqarnerat tingulluarparput.

Ullumikkummi annertuumik nunatsinni innarluutillit, atungarisamikkut inuiaqatigiittalu iluani inooqataanermikkut atukkatigut aammalu periarfissatigut katanneqarsimanagerat ersarilluinnarpoq.

Nunaqarfimmiikkuni illoqarfimmiikkuni angajoqqaat qimallugit, najungaqatigiiffimmiikkuni, innarluutillit pisinnaatitaaffiit atorineqarnissaanut, aammalu inuiaqatigiinni akuusutut

naatsorsuunneqarnissaannut qulakkeerneqarnissaanut, aqqummi ingerlanneqartussami, siunnersuut tamakkiisumik akueraarput.

Periarfissaqalernissaanut qulakkeerinntuussamat pisinnaatitaaffimminnik nunatsinni ullumikkut naammassineqarsimanngitsunik.



ATASSUT INATSIARTUNI

Inuit tamatta assigiimmik pisinnaatitaaffeqartuarneput, innarluutillit tamatigut akuutinissaanik iluaqusisussaammat, uani siunnersuutigineqartuni.

Aammalu ukiumut ataasiaannarlutik ullortik tassa 3. December kisimi aqutiginnissaanut qularnaarisussatut utaqquaaannarnissaat piujunnaassammat, namminnerli ullorititaasoq eqqissillutik atorpeqartalernissaanut takorloorsinnaavarput pisinnaattaaffitsik aallaavingalugu. Tassami aatsaat ulloq taanna nalleraangat inuiaqatigiinni akuutinneqannginnertik periarfissatigut annertuumik isiginiarneqalertarmat ingammik nunap ingerlananneqarneratigut aammalu ulluinnarni atukkamikkut.

Uani suliassami tullinnguuttumi, neriulluarnartumilu innarluutillit nuna tamakkerlugu atukkamikkut pisinnaatitaaffimmikkullu malinnaatinneqalernissaanut, suliassanut pingaarnertut isingalutigu, taamatut isikkoqartillugu taperserparput.

Qujanaq